

teret, qui thesauros aliaque ad cultum Dei destinata, dirigentibus sacerdotibus, portarent in via, juxta præscriptum legis, secundum quod onera sacra portare debabant levitæ.

¶ . 16 : *Itaque misi Eleezer, et Ariel, etc., sapientes.* Teste Menochio, in hebreo est *mevinim*, quod significat sapientes, intelligentes, peritos legis, et legem docentes. Unde videtur hic exprimi officium levitarum, nempe quod populum docere deberent. Hinc Esdræ II, cap. VIII, 7, ubi habemus in Vulgata: *Levitæ silentium faciebant in templo ad audiendam legem, ex hebreo verti potest: Levitæ intelligere faciebant populo legem, ubi etiam eadem vox mevinim repetitur.* Vide etiam eodem cap. ¶ . 9. Libro etiam II Paral., cap. XXXV, 3, ubi legimus: *Levitæ quoque ad quorum eruditioem omnis Israel sanctificabatur Domino, etc., sic verti potest ex hebreo: Et dixit levitis, intelligentibus, seu intelligere facientibus Israel, etc., ubi eadem vox hebraica habetur.*

## CAPUT IX.

*Esdras audiens illicita quorundam cum gentibus connubia, scisis vestibus luget coram Domino, eum deprecans, ut iram suam a populo avertat.*

## PROPONUNTUR, ET RESOLVUNTUR ALIQUÆ QUESTIOES.

Quæres 1. quo sensu sint intelligenda verba illa ¶ . 2: *Manus etiam principum et magistratum fuit in transgressione hac prima.*

R. Vox prima conjungi potest cum voce *transgressione*, ita ut vox prima sit ablative casus; tuncque significat illa sententia, quod hæc fuerit prima transgressio legis post redditum ex captivitate, quod duxerint uxores alienigenas, non tantum plebeii, etc., sed etiam principes et magistratus. Melius tamen illa vox prima conjungitur cum voce *manus*, et sic sensus est: Manus principum et magistratum fuit prima in hac transgressione; id est, ipsi principes et magistratus primo contraxerunt similia matrimonia, et eorum exemplo etiam alii fuerunt induci ad eadem contrahenda. Et hic est genuinus sensus hujus loci, ut patet ex hebreo et LXX, juxta quos sic legitur: *Manus principum et magistratum prima fuit in hac prævaricatione.*

Q. 2. quid hic ¶ . 8 intelligatur per paxillum, et ¶ . 9 per sepem, dum dicitur primo loco: *Et daretur nobis paxillus in loco sancto ejus, et secundo loco: Daret nobis sepem, etc.*

R. per paxillum intelligi posse locum firmum, seu firmamentum aut fulcimentum, ut habent LXX. Vox hebreæ *jathed palum*, paxillum, et clavum significat. Vel ergo sumit metaphoram a baculo, seu scipione, quo quis utitur ad pedes fulcendos, gressumque in via lubrica firmandum; vel a paxillis, quibus firmantr tabernacula et tentoria tensis funibus, et paxillis in terram defixis; cui explicationi favet quod legitimus Isaiae XXXIII, 20, ubi dicitur: *Oculi tui videbunt Jerusalem habitationem opulentum, tabernaculum quod nequaquam transferri poterit: nec auferentur clavi ejus*

*in sempiternum, et omnes funiculi ejus non rumpentur.* Eadem metaphora utitur idem propheta cap. XXII, 23, et cap. LII, 2, per quam designare vult, quod sicuti tabernaculum, vel tentorium immotum manet, etc., quandiu tensis funiculis terræ infixa manent, nec aliquod incommodum ab aeris injuriis obvenire potest illi qui in tabernaculo demoratur, etc.; ita promittit quod Jerusalem stabilis sit futura, divinitus protecta, etc. Vel denique metaphora sumitur a clavis et paxillis qui figurant in literis, circum circa quos navium volvuntur rudentes ad easdem firmandas, ne æstu aquarum abripiantur, aut ultra modum jacentur. Hanc explicationem, teste Menochio, sequitur versio Tigurina.

Ante correctionem sixtinam loco vocis *paxillus* legebatur *pax illius*: sed recte juxta hebreæ, et græca exemplaria in Bibiliis sixtinis restituta est vox *paxillus*, sicuti et in versu sequenti pro dissyllabo *sepem* legi solebant monosyllabum *spem*; sed juxta eadem exemplaria correctio facta est: sensus enim est idem cum precedentem; scilicet ut daret eis Deus *sepem*, seu munimentum firmum contra irruptiones hostium, metaphora sumpta a sepibus, quibus feræ et fures arcentur ab hortis.

Dum insperato hoc reductionis populi, et ædificati templi beneficio Esdras dicit ibidem *illuminari oculos*, significare vult, quod omnes reduces summe gavisi sint; sicut enim tenebræ mœstitiam, ita lux, animi lœtitiam designat. Item dum ¶ . 11 dicit, quod ceteræ terræ, nempe terræ gentilium, repleverint eam iniuite ab ore usque ad os, significare vult Esdras totam eorum terram omni ex parte repletam esse iniuitatibus, more scilicet vasis ab imo usque ad summum, vel ab una extremitate usque ad aliam; per quod designatur, nullam sinceram fidem, piatem, etc., in gentibus illis permansiisse, sed omni iniuitati esse addictissimas, sic intendens alienare animos suorum ab omni societate ineunda cum illis; et præcipue, ne quovis titulo mulieres sibi ex gentibus assumerent, vel si assumperint, juxta legem Domini repudient.

Q. 3. quomodo possit juxta legem Domini Esdras, si non præcipere, saltem suadere Judæis hoc modo: *Non queratis pacem eorum, et prosperitatem eorum, usque in æternum, quandoquidem etiam juxta jus naturæ facere debeamus proximis quod nobis rationabiliter fieri volumus: pacem vero et prosperitatem rationabiliter volumus, etc.*

R. 1. sensum illorum verborum sic posse intelligi: Non queratis pacem eorum, id est nolite esse particeps pacis eorum et prosperitatis, per conjugia scilicet filiarum eorum, nempe propter evidens subversionis periculum: et sic nullo modo verba Esdræ repugnant juri naturæ. Quia vero communiter interpres intelligent prædicta verba hoc modo, quod Esdras prohibeat, vel ad minus dissuadeat, ne ulla tenus Judæi cooperentur paci et prosperitati gentium:

R. 2. Cum proximum ejusque profectum tempo-

ralem tantum licite diligamus in ordine ad summum bonum: bona temporalia ita aliis præstare, et impendere debemus, quatenus eos vel nos non impediant a bonis æternis. Si ergo amicitia, aut beneficiorum impensio malis facta, reddat eos pejores, et nos in periculum seductionis conjiciat, ut erat in casu illorum gentilium, tunc non tenemur, quinimo prohibemur eis externa illa benevolentiae signa exhibere, juxta illud quod dicit Christus Lucæ XIV: *Si quis venit ad me, et non odit patrem suum, et matrem, et uxorem, et filios, et fratres, et sorores.... non potest meus esse discipulus, in quem locum S. Gregor. hom. 37 in Evang. ita scribit: Si vim præcepti perpendiculari, utrumque agere (diligere scilicet et odisse) per discretionem valimus: ut uxorem, et eos, qui nobis carnis cognatione conjuncti sunt, et quos proximos novimus, diligamus: et quos adversarios in via Dei patimur, odiendo et fugiendo nesciamus.* Cum igitur gentes ista summe adversarentur cultui divino, per Judæos exhibito, licet poterat Esdras seu præcipere, seu suadere, ne Judæi pacem cum eis quererent, etc. quia, illa data, prouiores fuissent ad pervertendum populum, Deique cultum impediendum.

## CAPUT X.

*Esdras, convocatis omnibus Judæis, præcipit repudiari uxores alienigenas. Deputantur qui præsint huic operi exequendo, et recensentur qui talia matrimonia contraxerant.*

QUESTIO UNICA. — AN JUDÆI LICITE CUM UXORIBUS ALIENIGENIS ABJECERINT ETIAM LIBEROS EX EIS NATOS.

Vers. 2: *Respondit Sechenias... ¶ . 3: Percutiamus foedus cum Domino Deo nostro, ut projiciamus universas uxores, et eos qui de his nati sunt, juxta voluntatem Domini. Licet Sechenias, pacto cum Deo fecdere, offerat nomine suo et populi, cum matribus abjicere liberos; non tamen id adeo constare vide-*

tur, saltem de facta omnimoda abjectione liberorum extra curam paternam: siquidem dici potest, quod per ea verba tantum velit indicare promptitudinem suam, et universi populi, in ordine ut toto corde servant Deo, ejusque mandata servent, in hunc finem offerentes perpeti ea quæ videntur esse contra naturam; quasi dicent: Si talis est voluntas Dei, non tantum uxores, sed et liberos ex eis natos abjiciemus.

Qui putant quod a parte rei matres abjicerint cum liberis, melius sustinent cum Ven. Beda et Cajetano in hunc locum, quod abjicerint a thoro et cohabitatione matres, et etiam liberos, licet patres curam sustentationis et bonæ educationis liberorum retinuerint. Et hinc textus non agit de absoluta ejectione, sed juxta voluntatem Domini, et piorum virorum, qui timent præceptum Domini, ut ¶ . 3 habetur. Juxta horum autem præscriptum videntur parentes liberos dimisisse ad aliqua quasi paedagogia, in quibus a viris timoribus instruebantur in vera religione, seu fide et cultu unius Dei.

Et sane, sic facere expediebat, ne si liberi apud patres mansisset, assiduo eorum intuitu, et amore inde exardescente, animi patrum ad matres rependas, contra præceptum Dei, accenderentur: vel si penitus abjicissent, obliti paternæ obligationis, manifesto periculo æternæ damnationis liberos, et vicinarum regionum invidiae se ipsos objecissent. Quæ omnia cavebantur, quando sic in locis publicis servatos et educatos edocebant renuntiare maternæ infidelitati, et per circumcisioem Domino et fidelium societati ex gentili femina natos consecrabant.

Utrum autem præmemorata mulierum alienigenarum separatio, seu abjectio, non tantum fuerit quoad torum et habitationem, sed etiam quoad matrimonii vinculum, inde dependet, an scilicet in V. Legi per libellum repudii matrimonium fuerit dissolutum neene.

## DILUCIDATIO

## IN LIBRUM II ESDRÆ.

## Præfatio.

Liber secundus Esdræ, qui probabiliter a Nehemia scriptus fuit, narrat quo pacto, reductis in Judæam exulibus, et jam instaurato templo, et constituta ex parte republica (qua primo libro recensentur), etiam urbis ierosolymitanæ, murorumque et turrim ejusdem instaurato, etiam invitatis et repugnantibus hostibus, a Nehemia procurata sit, et respublica optimis legibus stabilita.

S. S. XXVI.

(Trente-cinq.)

## PARS DECIMA QUINTA.

### CAPUT PRIMUM.

Nehemias, audita Judæorum in patriam reductorum calamitate, sortem illorum deflet coram Deo; ejusque opem multis jejuniis ac precibus efflagitat.

QUÆSTIO UNICA. — QUO SENSU DICAT NEHEMIAS SE ET DOMUM PATRIS SUI PECCASSE.

Vers. 1: Verba Nehemia filii Helchiae. Ex his verbis probabiliter deducitur, Nehemiam esse hujus libri scriptorem. Siquidem hunc videntur habere sensum: Ille, et ea quæ sequuntur, sunt verba Nehemiae, atque ab ipso conscripta sunt; neque enim proprie dicentur verba Nehemiae, nisi ab ipso scripta essent, utpote cum aliorum gesta equaliter hoc libro referantur.

Et factum est, in mense casleu, anno vigesimo. Annus vigesimus intelligitur regis Artaxerxis. Sic enim habetur initio capitis sequens: Factum est autem in mense Nisan, anno vigesimo Artaxerxis regis. Verum quæ hic potest, quomodo Nehemias audierit afflictionem populi sui anno illo vigesimo, mense casleu, ac deinde capite sequenti, eodem anno, mense nisan narretur auxilium a rege petuisse, cum mensis nisan præcedat mensem casleu. Variæ sunt responsiones, inquit Estius, sed simplicissima videtur esse, quod etsi apud Judæos in decursu anni, nisan præcesserit mensem casleu; ac proinde eodem anno iudeo illa, quæ gesta sunt mense casleu, non possint præcessisse ea, quæ facta sunt mense nisan; tamen potuisse hæc fieri eodem anno vigesimo Artaxerxis; quia scilicet initium regni Artaxerxis potuit incepisse computari circiter a mense casleu, tunc eodem regni anno mensem casleu sequetur mensis nisan. Nec hoc mirum videri debet: nam anni regum atque principum non incipiunt semper, etiam juxta modernum stylum, a calendis januarii, sed a mensibus, quibus thronum ascenderunt, inchoari solent.

¶. 6: Confiteor pro peccatis filiorum Israel, quibus peccarunt tibi. Et ego et domus patris mei peccavimus. Sic et Tobias dicit capite III sui libri: Ne vindictam sumas de peccatis meis, neque reminiscaris delicta mea, vel parentum meorum. Et Daniel cap IX: Cum confiterer peccata mea, et peccata populi mei. Quidam hæc sic interpretantur, ut quamvis isti fuerint innocentes, tamen in confessione junxerint se peccatoribus, quia membra erant gentis peccataris. Sed hoc diei non potest: nam tunc tantum dicere potuissent: Nos peccavimus; et non in singulari per vocem ego, aut per te peccata mea confessionem suam coram Deo instituissent, nisi mentiri voluissent, casu quo toti innocentes fuissent. Dicendum itaque, quod etiam sancti veraciter profiteantur peccata sua, et agnoscent quod propter illa patientur afflictiones divinitus

immissas. Quomodo autem multis modis justi inter peccatores particeps siant peccati ipsorum, et per consequens etiam vindictæ, et afflictionum temporium, pulchre delineat S. P. Aug., lib. I de Civ. Dei. Cap. autem 8 sic discurrit: Sub uno igne aurum rutilat, palea fumat, et sub eadem tribula stipula commununtur, frumenta purgantur: nec ideo cum oleo amara confunditur, quia eodem præli pondere exprimitur: illa ut una eademque vis irruens bonos probat, purificat, eliquat, malos damnat, vastat, exterminat. Unde in eadem afflictione mali Deum detestantur, atque blasphemant: boni autem precantur, et laudant. Tantum interest, non qualia, sed qualis quisque patiatur. Nam pari motu exagitatum, et exhalat horribiliter cœnum, et suaviter fragrat unguentum.

Quare autem cum malis puniantur boni, explicat S. doctor, cap. 9, dicens: Boni non usq[ue] adeo se a do[ct]ilitis deputant alienos, ut nec temporalia pro eis mala perpeti se judicent indignos: excepto enim, quod unusquisque, quamlibet laudabiliter vivens, cedit in quibusdam carnali concupiscentiæ, et si non ad facinorum immanitatem... ad aliqua tamen peccata vel rara, vel tanto cibriora, quanto minor, etc. Adde defectum correptionis fraternalis, quæ sepe sub peccato obligat, ob quem Deus afflictiones immittit, teste Aug. ibidem, sicut et minus ordinatum vite atque temporalium amorem, etc.

### CAPUT II.

Nehemias a rege petit, et impetrat veniam redeundi Jerosolymam, et eam instaurandi; quo perveniens, suos ad murorum instaurationem hortatur.

QUESTIO PRIMA. — QUOMODO NEHEMIAS AB ARTAXERXE OBTINUERIT VENIAM REDEUNDI JEROSOLYMA, EAMQUE REÆDIFICANDI.

Vers. 4: Oravi Deum cœli. ¶. 5: Et dixi ad regem: Si videatur regi bonum.... ut mittas me in Judæam, ad civitatem sepulcri patris mei, et ædificabo eam. Nehemias petitioni sue præmittit orationem ex duplice capite. 1: ut apte, et debite, divinitus adiutus, petitionem suam coram rege exponat. Defectu hujus adjutorii implorati, quamvis justa existimemus nos petere, diei tamen potest nobis: Nescitis quid petatis, utpote non petendo eo modo quo res petendæ sunt. Sic Apostolus Petrus post transfigurationem Domini rem secundum se licitam petit dicendo: Faciamus hic tria tabernacula; et tamen increpuit eum Dominus. 2. Oravit Nehemias, ut Deus permoveret animum regis, et inclinaret, quo benevolus fieret potenti.

Cum autem summa reverentia Persæ suorum separata prævenirent, ipsisque injuria maximæ loco haberetur de honestatio eorumdem, præcipue in cuius

### CAP. II. QUÆST. II.

bus amici tumulati erant: Nehemias urbem Jerusalæm vocat civitatem sepulcri patris sui, ut hoc modo consensum regis facilis obtineat. Cum ergo amicus regis foret Nehemias, eo quasi motivo consensum ejus extorsit, qui violata erant parentum sepulera, quæ restituere, dum poterat, decebat filium et nepotem.

¶. 6: Dixitque mihi rex, et regina... Usque ad quod tempus erit iter tuum, et quando reverteris? Quantum temporis concessum sit Nehemias ad ædificandam urbem jerosolymitanam, post quod redeundum ipsi erat in Persidem, nullibi exprimitur. Constat quidem Nehemiam per annos 12 mansisse in Judæa, ut patet hic cap. V, 14: nempe ab anno vigesimo Artaxerxis usque ad annum trigesimum secundum ejusdem, quibus annis ducem egit patriæ, et communem populi patrem; post quos redivit in Persidem ad regem. An simul et semel tantum temporis obtinuerit, non constat. Putant cum Tirino aliqui, primum tempus concessum, non excessisse spatium anni, post quem de induito regis successive tempus prorogatum fuit ad salutem et prosperitatem populi iudaici. Sed, ut jam dictum est, desuper nihil habetur in Scriptura.

QUESTIO II. — DE INITIO ET FINE SEPTUAGINTA HEBDOMADUM DANIELIS.

Ex Prophetia Danielis constat, quod 70 hebdomadæ initium suum desumant ab illo tempore, quo Judæis facultas data est reædificandi urbem Jerusalem. Unde cum in hoc libro de illa facultate data, et de reædificatione urbis Jerusalem agatur, non incongruum erit hic de 70 hebdomadibus tractare. Interim cum hæc materia admodum ampla, et vasta sit, eamdem in plures partes dividemus. Primo itaque proponeamus et exponemus prophetiam Danielis; secundo probabimus contra Judæos, quod ista prophetia agat de Christo, seu Messia, ac consequenter quod ipse jamdudum advenerit; ac tertio denique discutiemus, sub quo rege, et a quo regio decreto desumendum sit 70 hebdomadarum initium. Sit itaque

§ I. — PROPONITUR ET EXPOSITUR PROPHETIA DANIELIS.

Cum propheta Daniel anno primo Darii Medi, quo jamjam absolvendi erant 70 captivitatis babylonicae anni, fusis ad Deum precibus supplex postularet populi a durissima captivitate liberationem, exaudiatus a Deo, Gabrielis archangeli ministerio cognovit, non tantum quo tempore populus liberandus foret a temporali captivitate, sed etiam quo advenire deberet Messias, qui populum suum a captivitate spirituali demonis liberum, in libertatem filiorum Dei erat asserturus, notatis fere singulis adventus, passionis, et mortis Christi circumstantiis. En verba prophetæ, cap. IX, 24 et sequentibus: Tu ergo animadverte sermonem, et intellige visionem. Septuaginta hebdomades abbreviatæ sunt super populum tuum, et super urbem sanctam tuam ut consummetur prævaricatio, et finem accipiat peccatum, et deleatur iniquitas, et adducatur justitia sempiterna; et impleatur visio et prophetia, et tangatur Sanctus sanctorum. Scio ergo et animadverte: Ab exitu sermonis, ut iterum ædificetur Jerusalem, usque

ad Christum ducem, hebdomades septem, et hebdomades sexaginta duæ erunt: et rursum ædificabitur platea, et muri in angustia temporum. Et post hebdomades sexaginta duas occidetur Christus: et non erit ejus populus, qui eum negatur est. Et civitatem et sanctuarium dissipabit populus cum duce venturo: et finis ejus vastitas, et post finem belli statuta desolatio. Confirmabit autem pactum multis hebdomada una: et in medio hebdomadis deficit hostia et sacrificium: et erit in templo abominatione perseverabit desolatio. Textus hebraicus paulo aliter habet, sed a Latino nihil discrepat; sic enim vertitur: Hebdomadæ septuaginta decisæ super populum tuum, et super civitatem sanctitatis tue ad consummandam prævaricationem, et ad sigillandum peccata, et ad expiandum iniquitatem, et ad adducendam justitiam sæculorum, et ad sigillandum visionem et prophetiam, et ad ungendum sanctitatem sanctitatum. Et scies, et intelliges ab exitu sermonis ad reverti faciendum, et ad ædificandum Jerusalem usque ad unctum ducem, hebdomadæ septem, et hebdomadæ sexaginta et duæ: redibit et ædificabitur platea, et fossa, et in coarctatione temporum. Et post hebdomadas sexaginta et duas excidetur Unctus, et non ei: et civitatem et sanctitatem corrumpet populus ducis venturi, et usque ad finem decisæ desolations, et roboret pactum multis hebdomada una: et dimidio hebdomadæ cessare faciet sacrificium et munus, etc.

Notandum autem, quod hic per hebdomadas non intelligantur hebdomadas dierum, seu septem dies; sed hebdomadas annorum, seu septem anni, prout fatentur omnes Hebrei cum Aben-Ezra ita scribente: Hebdomades hic intelliguntur de annis, ac si dixisset angelus: Septuaginta sabbatici sunt decisi. Hoc etiam inde patet, quod istud spatium dierum brevius, et nimis angustum sit tanto implendo mysterio; item quod re ipsa tempore 70 hebdomadum dierum, seu spatio 490 dierum nihil eorum contigerit, quæ a Daniele prædicuntur; non enim tunc oecisus est Christus, non attritus populus, etc. Adeoque in hac prophetia per 70 hebdomadas intelliguntur 490 anni.

Sensus vero prophetæ est hic: Septuaginta hebdomades annorum, seu anni 490 abbreviate, seu decisiæ, vel definitæ sunt, ut deleatur iniquitas: nam antequam finem habituræ sint, finem habebit peccatum, et adducetur justitia sempiterna: quia a decreto regis Persarum, quo permittetur iterum ædificari Jerusalem, fluent septem hebdomades annorum et sexaginta duæ, id est sexaginta novem, et tunc adveniet Christus dux, et incipiet ministerium suum obire; quod factum fuit in Christi baptismo, quando jam per annos 30 natus, incepit prædicare et ducem populi agere. Post completas autem illas 69 hebdomades, id est post 483 annos occidetur Christus, scilicet in decursu hebdomadis septuagesimæ; nam in ultima hebdomada ministerium suum obibit, confirmabit pactum, seu Novum Testamentum multis exhortationibus, miraculis, sacramentis, etc. In dimidio autem istius ultimæ hebdomadis, id est anno tertio completo, et quarto currente,